

Caan karlak ripawt chungah zeidah a si?

Victoria Thinlung lei Ngandamnak Tuahto ning chungah Royal Commission cu dirh a si, aruang cu thinlung lei ngandamnak riantuan piaknak cu thinphang sinak dirhmun a phammi kha kakip hmunkip ah hmuhkhawh a si. Thinlung lei zawtnak ngeih buin a nungmi minung tampi cu bawmhnnak nganpi pek caan le peknak hmun ah thlopbulnak,zohkhenhnak le bawmhnnak an ngah lo.

Commission i caan karlak ripawt ah a herhmi rianrang in a langhter ding le thinlung ngandamnak lei tuahto ning a thar caah a hram chia ding ah papekmi fehernak pawl aa tel. Hihi cu a biapimi a dot khatnak a si.

A donghnak ripawt ah Commission fehernak pawl a hnubik ni cu October 2020 ah a si lai i Victoria thinlung lei ngandamnak zohkhenh ning remh dingah a ral tthami le a thar thlennawnnak tuahto ning a langhter lai.

Caan karlak ripawt nih zeidah tuah dingin a duhmi a si?

- Thinlung ngandamnak lei tangka hram chiahnak (ngunkhuai asilole pek dingmi tangka) ah tuahto ning a thar nih thinlung lei ngandamnak caah tangka hmuhnak tampi a kaiter lai- atu a si lo hmanh ah hmailei ah cun.
- Thinlung lei Ngandamnak le Tthatnak caah Victoria Riantuantinak hmun sernak nih aa dang liangluangmi thiamnak pawl le thiltikhawhnak kha hmun khat ah a chiah hna i Victoria i a ummi dihlak caah a ttha deuhmi thinlung lei ngandamnak a phichuakmi pawl a chuahter.
- A hleimi 170 mino le upa a faak ngaimi thinlung ngandamnak ruang i ihnak a ummi pawl nih a herhnak zawn ah fak ngai in harnak a tongmi hna langhternak a bawmh.
- Siizung in Lamhla ah mah le mah nunnak aa la dengmi Tonbiaruahnak (HOPE) prokarem tamternak cu thinlung ngandamnak lei riantuan piaknak hmun dihlak chungah le mah umnak hmun cio i ngandamnak lei riantuan piaknak pawl sinah pehtlaihnak a ngeimi, ngakchia pawl le mino pawl caah an sin phak khawhnak lam thar le pehzulh in zohkhenhnak, mah le mah nunnak ilaaknak ttihunnak ah Victoria i a ummi minung pawl caah bawmh khawhnak le an sin phak khawhnak karhter ding.
- Aboriginal Zatlang nun le Khuaruahnak lei Tthatnak Hmun sernak le Aboriginal zatlang nun le khuaruahnak lei tthatnak phu pawl tamternak cu pyine kip a phan.
- Thinlung zawtnak lei hmuhtonnan a ngeimi minung nih pungsan an suai i an chuahmi, a faakmi luhternak lei ah aa dangmi bantukin Victoria a voikhatnak khua a sami thinlung ngandamnak lei riantuan piaknak dirhnak.
- A hmangtu le innchungkhar zohkhenhtu hmuhton ngeihnak riantuannak hmun pawl ah a ummi tamternak le bawmhnnak.
- Riantuannak hmun tlawnak pawl langhternak le cawnnak tam deuh pek khawhnak le siisaya/mah buaiah a ngahmi nambar karh dingah lam kawl piaknak le zapi thinlung ngandamnak lei riantuan piaknak ah ngandamnak lei a thiammi pawl he ipehtlaihnak telchih in remhnak caah timhtuahnak.
- Hi fehernak pawl tuahnak rian thawk dingah Thinlung Ngandamnak lei Bawmhchanhnak Zung dirhnak.

Hihi a donghnak ripawt a si maw?

A silo, a donghnak ripawt cu October 2020 ah pek a si te lai.

Hi fehernak pawl cu aho nih dah a tlinter lai?

Royal Commission nih fehernak a tuahmi dihlak cu Victoria Acozah nih ttuanchuah dingah biakhiahnak a tuah cang.

Fehernak pawl tuahnak rian thawk dingah Thinlung Ngandamnak lei Bawmhchanhnak Zung kha Commission nih ruahnak a cheuh.

Caan karlak ripawt kongah biahal awk ka ngeih ahcun zeitindah ka tuah lai?

Na biahalmi pawl cu hika ah leh na si lo ahcun, Commission kha contact@rcvmhs.vic.gov.au, 1800 00 11 34, or PO Box 12079, A'Beckett Street, Victoria 8006 hmangin pehtlaihnak na tuah khawh hna.

Holhlettu na herh ahcun, zaangfahnak in 03 7005 3010 hi chawn.

Caan karlak ripawt catlap in chuahmi in ka ngah kho lai maw?

Royal Commission cu sermi thilnung lei he aa pehtlaimi a keneh zorter dingah biakhiahnak a ngei. Cu ve bantukin, Commission nih caan karlak ripawt rel dingah minung kha a forhfial hna i kan vuapsaih ah cattialmi kha a tawinak in a langter.

Inttanet na hman khawh lo ahcun na umnak pawng i caruk (library) in hman khawh izuam.

Caan karlak ripawt cu awnlai in rel khawh dingin a um maw?

Caan karlak ripawt cu awnlai ah Word in ttialmi rel kho dingin a um i Commission vuapsaih ah a tawinak in ttialmi rel khawh a si zau lai.

Hihi ngah khawh a si tikah theihernak tuah na duh ahcun, asilole ngah khawhnak ca i a herhmi pawl kong ceihmai na duh ahcun, Commission kha contact@rcvmhs.vic.gov.au asilole 1800 00 11 34 hmangin pehtlaihnak na tuah khawh.

Caan karlak ripawt ah zeizong te zei ruang ah dah aa tel lo?

Hi Royal Commission caan hmangin lam tanttim kan phan rih lo. Caan karlak ripawt cu a thawknak a si. Hmailei ah tuah awk rian tampi a um rih.

Aho paoh caah a ttha deuhmi ningcang tuahnak ah sining aa dang liangluangmi minung hna nih ttuan an duh ko tiah Commission nih a theih cang – thinlung zawtnak lei hmuhtonak a ngeimi minung, zohkhenhtu pawl le innchungkhar, riantuannak hmun, kherhlainak, le thinlung lei ngandamnak le adang bu pawl.

Commission nih 3,200 i apnak pawl nak tam deuh aho paoh ta a ngahmi kha Haotu asilole Commission zung riantuan nih a rel lengmang.

Hi pekchanhnak pawl cu October 2020 ah a donghnak ripawt peknak tuah hlan rian kha pehzulh in thawng a thanh lai.

Caan karlak ripawt kongah ceihmaittinak tuah dingmi a um maw?

Caan karlak ripawt ah ning le cang ningin i apnak caah kan au lai lo – hihi cu a herhmi rianrang in leh dingin fehternak pawl le hmailei remhnak caah a hram chiah dingin kan rak theih cangmi kong tuaktaan tthanmi a si.

Commission nih ipehtlaihnak cu punghmaan a ngah tawn ning hmangin pehzulh in a ngah lai - PO Box 12079, A'Beckett Street, Victoria 8006 asilole contact@rcvmhs.vic.gov.au.

Zeitindah pehzulh in kaa tel khawh lai?

Ceihmaittinak pawl, i apnak pawl le zapi sinah biachimnak pawl hmangin cawlcanghnak telhchih in mibu sinin pekchanh tampi kha Commission nih a ngah cang. Ni pekchanhnak pawl nih Commission nih a tuah cuahmahmi rian kongah pehzulh in thawng a thanh lai.

Commission nih hmailei i apnak pawl caah a au ti lai lo. Hihi cu lam hla thawngpaang khawmhsuatnak dirhmun in a dikthir kherhlainak le tuahto ning pungsan lei ah a kal cuahmah a si.

Commission cu thinlung zawtnak a ngeimi minung he pehzulh in a rianttuannak le a donghnak ripawt ah aa tel lai.

Commission nih zapi sin biachimnak cu April/May 2020 ah tamdeuh in a tuah te lai.

Zapi sin biachimnak telhchih in rian ttuan cuahmahmi kong tamdeuh cu a ra laimi thla pawl ah Commission vuapsaih ah chuah a si te lai.

Thawngpaang thar theihnak caah **pehtlahi pawl** cahmai in minkhumhnak na tuah khawh.